



Republika e Kosovës - Republika Kosova - Republic of Kosovo

AUTORITETI RREGULLATOR PËR SHËRBIMET E UJIT
REGULATORNI AUTORITET ZA USLUGE VODE
WATER SERVICES REGULATORY AUTHORITY

ARRU

Nr. prot./Prot. Br./ Prot. No. 584
Njësia/Jedinica/Unit D
Nr. shkrës./Upl. Br./Reg. No. D
Datë/Datum/Data 08.09.2026
PRISTINE - PRISTINA - PRISTINA

Autoriteti Rregullator për Shërbimet e Ujit, duke u mbështetur në nenin 4 paragrafi 3.1, nenin 16 dhe nenin 17 të Ligjit Nr. 05/L-042 për Rregullimin e Shërbimeve të Ujit, si dhe në nenin 4, nenin 9, nenin 12 dhe nenin 13 të Rregullores Nr. 16/2025 për Licencimin dhe Kushtet e Licencës për Ofruesit e Shërbimeve të Ujit, pas shqyrtimit të aplikacionit me nr. 456/D datë 13.07.2026, të KRU “Hidroregjioni Jugor” Sh.A., me seli në Prizren, për përtëritjen/vazhdimin e Licencës së Shërbimit, me datën 08.09.2026, nxjerr këtë:

V E N D I M

Për përtëritjen/vazhdimin e Licencës së Shërbimit

1. APROVOHET aplikacioni i KRU “Hidroregjioni Jugor” Sh.A., me nr. 456/D datë 13.07.2026, për përtëritjen/vazhdimin e Licencës së Shërbimit.
2. PËRTËRIHET/VAZHDOHET Licenca e Shërbimit e KRU “Hidroregjioni Jugor” Sh.A., dhe i lëshohet Licenca e Shërbimit me nr. L-09/2026-02, për periudhën pesë (5) vjeçare, nga data 11.09.2026 deri më 10.09.2031.
3. KRU “Hidroregjioni Jugor” Sh.A., me Licencën e Shërbimit nr. L-09/2026-02, autorizohet për ofrimin e shërbimeve sipas kategorive në vijim:
 - 3.1. Kategoria A – Shërbimet e Ujësjiellësit;
 - 3.2. Kategoria B – Shërbimet e Kanalizimit;
 - 3.3. Kategoria C – Shërbimet e Ujërave të Ndotura;
4. KRU “Hidroregjioni Jugor” Sh.A., autorizohet të ofrojë shërbimet për të cilat licencohet në zonën e shërbimit, e cila përfshin komunat:
 - 4.1. Prizren - pa përfshirë fshatrat në zonën e shërbimit të Gjakovës sipas Vendimit (të Qeverisë) nr.02/266 i datës 08.08.2025;
 - 4.2. Suharekë;
 - 4.3. Malishevë;
 - 4.4. Dragash; dhe
 - 4.5. Mamushë.
5. KRU “Hidroregjioni Jugor” Sh.A., obligohet që shërbimet për të cilat licencohet t’i ofrojë në përputhje me Ligjin Nr. 05/L-042 për Rregullimin e Shërbimeve të Ujit, Rregulloren Nr. 16/2025 për Licencimin dhe Kushtet e Licencës për Ofruesit e Shërbimeve të Ujit, aktet e nxjerra nga ARRU dhe legjislacionin tjetër në fuqi.

6. KRU "Hidroregjioni Jugor" Sh.A., gjatë gjithë periudhës së vlefshmërisë së Licencës së Shërbimit, obligohet të ruajë dhe përmbushë kushtet dhe kriteret mbi bazën e të cilave është bërë përtëritja/vazhdimi i Licencës së Shërbimit.

7. KRU "Hidroregjioni Jugor" Sh.A., obligohet të zbatojë detyrimet që rrjedhin nga Memorandumi i Mirëkuptimit, i bashkëngjitur këtij vendimi, në përputhje me kushtet dhe afatet e përcaktuara në të, si dhe të ndërmarrë të gjitha veprimet e nevojshme për përmbushjen e tyre brenda afateve të parapara.

8. Licenca e Shërbimit me nr. L-09/2026-02 i bashkëngjitet këtij vendimi dhe përbënë pjesë përbërëse të tij.

ARSYETIM

KRU "Hidroregjioni Jugor" Sh.A., me seli në Prizren, si ofrues ekzistues i licencuar i shërbimeve të ujit, ka paraqitur pranë Autoritetit Rregullator për Shërbimet e Ujit (ARRU) aplikacionin për përtëritjen/vazhdimin e Licencës së Shërbimit, së bashku me dokumentacionin dhe dëshmitë përkatëse të kërkuara për zhvillimin e procedurës së licencimit.

Ligji Nr. 05/L-042 për Rregullimin e Shërbimeve të Ujit përcakton procedurën dhe kushtet për aplikimin dhe përtëritjen e licencës së shërbimit, ndërsa Rregullorja Nr. 16/2025 për Licencimin dhe Kushtet e Licencës për Ofruesit e Shërbimeve të Ujit përcakton procedurat, kriteret dhe kushtet konkrete për përtëritjen/vazhdimin e licencës së shërbimit. Në veçanti, neni 12 i Rregullores Nr. 16/2025 përcakton kushtet për përtëritjen/vazhdimin e licencës së shërbimit, ndërsa neni 13 përcakton vendimarrjen e Autoritetit pas shqyrtimit të aplikacionit.

Në zbatim të këtyre dispozitave, aplikacioni dhe dokumentacioni i paraqitur nga KRU "Hidroregjioni Jugor" Sh.A., i janë nënshtruar shqyrtimit dhe vlerësimit nga Komisioni për shqyrtimin e aplikacioneve për përtëritjen/vazhdimin e licencave të shërbimit. Komisioni ka shqyrtuar dokumentacionin e dorëzuar dhe ka vlerësuar përmbushjen e kushteve të licencës, si dhe kriteret e përgjithshme dhe të veçanta për përtëritjen/vazhdimin e saj, duke përfshirë kapacitetet profesionale, teknike, operative, financiare dhe administrative të ofruesit.

Gjatë procesit të shqyrtimit dhe vlerësimit është konstatuar se KRU "Hidroregjioni Jugor" Sh.A., ka paraqitur dokumentacionin dhe dëshmitë e nevojshme dhe i plotëson kushtet dhe kriteret e përcaktuara me legjislacionin në fuqi për përtëritjen/vazhdimin e Licencës së Shërbimit, përfshirë kushtet që lidhen me kapacitetet për ofrimin e shërbimeve, qëndrueshmërinë financiare, përmbushjen e kushteve të licencës ekzistuese dhe përgjegjësinë për ofrimin e shërbimeve në zonën e saj të shërbimit.

Në përputhje me nenin 4 të Rregullores Nr. 16/2025, në bazë të aplikacionit dhe dokumentacionit të shqyrtuar, KRU "Hidroregjioni Jugor" Sh.A., autorizohet për ofrimin e shërbimeve sipas kategorive të përcaktuara në dispozitiv të këtij vendimi, në zonën e shërbimit që përfshin komunat: Prizren, Suharekë, Malishevë, Dragash dhe Mamushë.

Pas përfundimit të shqyrtimit dhe vlerësimit të aplikacionit, dokumentacionit dhe dëshmive të paraqitura, Komisioni për shqyrtimin e aplikacioneve për përtëritjen/vazhdimin e licencave të shërbimit ka vlerësuar se KRU "Hidroregjioni Jugor" Sh.A., i plotëson kushtet dhe kriteret e përcaktuara për

përtëritjen/vazhdimin e Licencës së Shërbimit dhe, rrjedhimisht, i ka rekomanduar ARRU-së përtëritjen/vazhdimin e Licencës së Shërbimit.

ARRU, duke marrë për bazë aplikacionin dhe dokumentacionin e paraqitur, rezultatet e procesit të shqyrtimit dhe vlerësimit, përmbushjen e kushteve dhe kriterëve ligjore dhe rregullative, si dhe rekomandimin e Komisionit, ka konstatuar se janë plotësuar kushtet për përtëritjen/vazhdimin e Licencës së Shërbimit të KRU "Hidroregjioni Jugor" Sh.A., për periudhën e përcaktuar në dispozitiv të këtij vendimi.

Për arsyet e cekura më lart, u vendos si në dispozitiv të këtij vendimi.

Ky vendim hyn në fuqi në ditën e nënshkrimit.

Këshillë juridike: Kundër këtij vendimi pala e pakënaqur ka të drejtë ankese në Komisionin Shqyrtues, në afat prej tridhjetë (30) ditësh, nga dita e pranimit të këtij vendimi.

Vendimi u dorëzohet:

- Arkivit të ARRU-së;
- KRU "Hidroregjioni Jugor" SH.A.;
- Të gjitha Departamenteve të ARRU;
- Njësisë për Inspektim.

